

高子遺書



和
868
2





高平府錄篇目

諸公題詠贊跋 計五首

墓志銘 朱平涵先生撰

神道碑 錢御洽先生撰

行狀 葉元室先生撰

祭文 范公撰

祭文
薛公壽

行狀
葉元室先生

輓辭
趙晦翁先生

墓志
朱平齋先生

詩
薛公壽

高子增錄篇目



高子增錄
山水園壘大人之居非皆景也

燕詠高先生益園
于其歸也嘉善錢士升山水

吾師子高子繹聖得宗旨研幾析無倫靜觀先太

始德輝藹春陽心境湛秋水形解何超然虛空起

滅爾
蘇士士蓋及善公大師蘇為士燧樂同文之

及之過高先生水居同吳觀華卞子厚高伯珍兄

贊曰弟與公世忠香幾爾士居幾忠士忠忠忠

為尋仰止訪遺宮宛杜久壺玉鏡中幾點青山

面目數椽茅屋想流風悠然觀化魚還躍寂爾齋

高子增錄
心月正空須信斯文猶未墜三三兩兩一時同
題高先生遺像
贊曰道喪之世忠者外爾上外外忠上忠忠外忠
外之忠匪以外止外忠之外不虧國美奐貫雞連
鉤黨殺士士盡外者公大而禮為士鍛榮同文之
狴為國洗辱汨羅之汙疇竝公忠信國文氏正反
相明如車合軌當宋既灰鞞墮其祀鳴烈取著所
以燕市當明鼎盛闡于其紀避辱取晦所以止水
燕市國光止水國體大人之外非苟焉已

書高先生帖後

劉宗周

閱先生遺表及別友人書見先生到頭學力顧其
言各有攸當弗得忡忡看過告君曰願效屈平遺
則不忘君也告友人曰得從李范遊不負友也蓋
以數子之義自審其所處則然而非果以數子自
況也至云心如太虛本無生外先生心與道一盡
其道而生盡其道而外是謂無生外非佛氏所謂
無生外也徃歲嘗遺余書曰吾輩有一毫逃外之
心固害道有一毫求外之心亦害道此金鍼見血

語求先生于外生之際者當以此爲正又先生處
化時端立水中北向倚池畔左手奉心右手垂下
帶口不濡勺水人多異之先生平日學力堅定故
臨化時做得主張亦吾儒常事若以佛氏臨終顯
幻之法求之則惑矣余懼後之學先生者淺求之
東漢人物又或過求之二氏孤負先生臨岐苦心
特表而出之

跋高先生帖

同邑葉茂才

余年友高存之先生與余共學幾四十年其大節

細行無慮千百而全歸一節尤足爲大臣處變之
法云蓋當乙丑丙寅間逆璫魏忠賢與其黨崔呈
秀等矯旨逮繫諸名哲幾徧天下大都外于詔獄
卽幸遣戍其屈辱已甚矣先生聞緹騎四出逮及
吳中諸公默付曰是役也行將及我我忝列風紀
首臣可殺不可辱辱身卽辱國也于是逮者至府
遂于開讀前一日秉燭書垂絕數言自比屈平而
沈園池以終身辱屈平之忠先生之所優也先生
之學之養則非屈平所敢望也平之時上官大夫

高子年錄
非有淡憾于平第放之則已矣是平可以無死也
而崔魏諸凶于先生則必殺之而後慢與頰首就
逮爲獄吏陵偪貽先皇以殺大臣名曷若委身清
池國體旣全而身不受桁楊箠楚爲得乎故以平
自比不知者以爲自賢識者以爲自道也而四十
年學力至此始有得力處先生蓋亦自信之矣後
之欲觀先生者第觀其全歸時齋沐焚香告天告
君併告諸祖考從容詳審無異平日則其所養可
知己顛沛必于是先生有焉

學齋資德大夫正治上卿都察院左都御史贈太
平舉子少保兵部尚書謚忠憲高先生墓志銘
大學士朱國禎
理學至國朝而明明之極聞亦厄而饑如日月然
暫蝕必復復乃愈顯其明正統八年癸亥河東薛
先生厄于王振幾外卒參密勿祀廟廷越一百二
十四年丙寅乃有梁谿高先生先生諱攀龍字存
之號景逸祖孟永公始定居邑之東南隅一傳耕
樂公如圭再傳省軒公翼三傳雪樓公適世傳長

者雪樓生靜成公材是爲先生王父舉孝廉合黃巖有異政祀名宦鄉賢生繼成公德徵配陸夫人貳邵夫人實生先生生有益蓮之瑞王父紀以詩至今跋而藏之靜成有弟靜逸公校娶朱夫人無子因以爲嗣自幼神采奕奕善讀書言動如成人母授果餌必拱手接或命自取一如所授習舉業超超章句外默誦諸儒語錄性理諸書二十一壬午舉于鄉居嗣母憂丙戌丁亥顧涇陽先生方講學聽之甚喜卽曰學將爲聖人也出口則議論入

手在躬行豈可泛求一日看大學或問見朱子說入道之要莫如敬悚然曰是矣一以整齊嚴肅爲主久之見程子謂心要杜腔子裏解曰腔子猶言身子耳渾身是心大學曰修身爲本又曰知本要于何處索本卽身卽心會歸于一道不遠人于斯可見己丑成進士出高邑趙儕鶴先生門卽有知學之評廷試三甲當爲令丁嗣父憂先後盡哀持喪甚恪益修子職絕人事讀禮讀易服闋謁選當改京秩或有申舊例外仍與外者甚喜曰居內悠

高子集錄
悠坐老歲月不若乘此年力做一出頭以後便可
刃解然竟授行人自盟曰吾于道未有所見但依
獨知儋負庶幾造適僉事張世則疏詆程朱欲
改易傳註上所獻書求頒行天下不勝憤上崇正
學闢異說一疏報曰高攀龍所言有關世教尋論
大本大機語極剴切高邑方在銓部共相確證淡
味河東粹言謂約而且精當字字體帖孫立亭爲
司寇相見勉以力學且言律爲用世本因加意律
學作日省編集崇正編謂讀書意思不進者尊德

性功夫少也率以半日靜坐卽出遊公會水邊石
上僧房皆其默默齋心處五更氣清尤自提策忽
思開邪存誠句覺得當下無邪渾然是誠又覺得
覓誠卽邪存之卽是舊字雲從因以改焉奉使金
陵鄒南臬杜刑部各言所志期以取上工夫還朝
感時事上君相同心惜才遠佞疏語侵閣臣下部
院會議聞之坦然涇陽謂只宜杜門存待臯意若
太坦然亦覺未至此意須當自得淡服其言旣議
上降雜職尋調極邊涇陽亦以言事黜貽書有吾

曹一時退處共得閒身何修報稱之語甲午赴揭陽典史舟中嚴立規程只于靜中著力當心氣澄寂時有塞乎天地氣象所經奇峻山川險絕灘頂一一悅心當境皆爲我助過汀州坐旅舍一小樓甚樂手二程書至萬變俱杜人其實無一事句猛省曰果無事從來牽纏俄然斬絕抵官勤職事課藝集朱子要語刊示之邑令爲同年佐其不逮除一凶人署事三月覓差歸其地有蕭自麓者故念菴先生門人臨別語曰公當潛菴數年不可發露

先輩嘗背地用一陣苦工夫故得成就再拜謝曰敢不服膺至漳謁李見羅先生李謂旣知宗則心意知物各止其所格致誠正不過就缺漏處照管真有無所事事的光景答以大學格致卽中庸明善要使學者辨志定業此心光明洞達無毫髮含糊疑似以爲自欺之本然後爲善去惡意誠心正身修善所以純粹而精止所以敦厚而固也不然萬端紛起如何用力且修身爲本人皆知之然必辨義利是非之極窮至無穿窬之心斯爲知止工

夫喫緊沈著豈可平鋪輕說都無氣力并條目次第籠侗做去李無以難自謂出門至此學力已三轉手勢乙未歸再取釋老二家參之謂釋氏與聖人所爭毫釐其精微處吾儒具有之總不出無極二字病處吾儒具言之總不出無理二字尋連居父母喪一依文公家禮讓產諸兄弟不可得盡供喪葬餘置義田贍族戊戌作水居于湖邊中有一可樓言無所不可也武郡吳子徃來訪淡契相與閉關趺坐坐必七日作復七規程取大易來復之

義甲辰東林書院成故龜山先生遺陞有道南祠侵于僧院邵文莊圖修復不果至是與涇陽共成之集吳越士大會其中一依白鹿洞舊規每會拈出大旨互證要歸于端居主靜謂大聖賢自有大精神主靜只杜尋常日用中學者神短氣浮以百當一以千當十積久厚聚拔此俗根庶見天則以學爲教從前靜定居多間以會友應酬至是無之非靜觸處流行不煩收攝嘗自言丙午以後方實信性善知本中庸之旨此道絕去名言程子名曰

高子年錄
天理陽明名曰致良知總不若中庸二字中者停
停當當庸者平平常常本體如是工夫如是一毫
造作走作不得心矩學矩從有離合中造到渾成
處于朱爲貫通于孟子爲集義所生于顏子爲不
貳不遷四十年攻苦確然可自信者兩朝鼎成廢
臣以次起用庚申召拜光祿寺丞同日高邑爲太
常少卿福清葉臺山先生再召爲首輔鄒南皋爲
總憲眾正竝登以會講事屬同年葉閒適而後行
辛酉進光祿少卿署事綜理精密中官初闢于前

尋卽帖服嘗云頭緒雖多儘做得去東疆警報狎
至請逐鄭養性李如楨李可灼以消萌除慝淇澳
孫先生上紅丸疏劾舊輔方從哲讀而歎曰此一
部春秋也持論不少顧忌轉太常少卿作寅直說
并陳務學之要言明理以明心明心以出治方從
哲鄭養性大義不容不討不然孝非孝反以不孝
爲大孝忠非忠反以不忠爲大忠黑白倒分人禽
反易何所不至傳旨重處福清爭曰斯人有重望
處則滿朝必爭吾亦與之同去僅罰俸猶有言朕

高子地錄
不孝之語蓋上本英明重首輔容讜言逆璫魏忠賢雖杜劾播惡猶未得盡肆也已轉大理少卿又轉太僕卿方鄭之黨且憤且懼竊竊只以東林爲言將注其毒會京師建首善書院蓋鄒南皋馮少墟兩中丞率同志所闢福清爲之記僂一時盛事給事中朱童蒙騰疏顯詆大約歸重東林踵而起者甚眾兩中丞皆辭位去先生亦疏辭謂講學何辜頓空法紀之臣禁學何名發自聖明之世再移疾有邪氣所干元氣大伐等語以身爲喻冀有感

動福清畱之加護持甚力明年差歸給事中王志道疏論兩朝事淆雜不倫致書駁之大要言人臣爲國當杜漸防微懲前毖後不宐爲亂賊脫臯爲君父種禍夫臯祖威福杜手妙于調停是臯祖身上事臯考仁孝根心妙于隱忍是臯考身上事今上祖考杜念妙于處分是今上身上事若夫嚴萬古綱常守三尺法紀君讎必報君賊必討是臣子身上事而柰何諱之加以誣誣使天下更不敢開口說亂賊一字可乎見者無不膽落然皆倚中官

爲窟翻弄無所不至心憂之日玩易自適幸鄭卷
性會鞠逐出都門頗慰謂身上事作一小結局方
請告張太宰誠字曰高公坐此人皆畏憚又自指
其心曰渠心明說出人自知畏尋奉差舟行卒業
易註到家講東林如故曰宦情秋露學境春風是
可洩擇矣福清見勢孤求補閣臣挈余爲助點用
四人聊城朱蓼水南樂魏道冲與焉余過梁谿相
見力以大義爲言猶未行無何晉刑部侍郎趣還
朝皇子生推贈三代廕一子曰聖恩渥矣敢自逸

乎時高邑已爲太宰給事中魏廓園故與東林講
席晉首吏垣相約一以懲貪爲急內外凜凜顧逆
璫已用事南樂結爲族大拜實有力焉初對眾猶
諱之璫亦曰我家人殊不濟事然密已輸款導之
爲非一日講筵後璫刺刺品評且曰莫用一邊人
則其原可知所礙手惟閣臣未幾璫爲楊副院大
洪所糾列二十四大臯頗內懼謀于南樂謂必去
福清乃可因其求歸陽慰諭迫以不堪事林汝乃
行始無所憚總憲孫藍石病卒眾議楊副院署事

高子城錄
瑞不允議馮少墟爲代瑞傳旨推杜京者戶兵刑
三尚書非人望所屬卿貳中因補少宰及南太宰
點陪弁正推皆引去或曰內故以此驅除也惟先
生與饒豫章李懋明三人饒年老李新至資淺又
爲同事者所軋遂以屬焉苦辭曰師生分列部院
攻門戶者藉口何以自解然眾議已定不可易遂
推上余見內外所忌惟先生命未必下舊例送票
而後發計期三日至是次日即發眾皆欣欣余獨
怪謂非佳意方福清杜事每言聊城久處不及時

局一語難測南樂木閣老門生當票擬福清運筆
如飛忽曰糊塗又它事多相左臨發密語余曰渠
內有所恃咄咄偪人不得不避蒲州更非其敵必
不能久子當早辦歸計又曰梁谿內所甚惡外尤
側目又太宰門生子之年友于道交爲湊拍于俗
情爲眼釘尤須善處余心識然皆不敢言也先生
旣入臺首糾極貪御史崔呈秀奪官勘賊尋具疏
申嚴憲約責成郡邑列五十餘款期于拔才除賊
示畫一之畔其大端杜調和閣部謂閣當借用外

高子地錄
廷不可以外正直而疑其激外當責成內閣不可
以內和緩而疑其媚福清濬得此意余亦忝附同
心謂其迹自是可泯而議者眷眷以二人大可疑
有冷語挑剔者余等皆佯疾不出至煩鴻臚宣諭
暫解孟冬廟享南樂遲至首垣等峻劾示必不容
大恚遂顯埶逆璫商之聊城合策以獻凡閣票用
墨內批用硃內有可否必發改票閣臣執正甚至
疆爭內亦無如之何必曲聽或一二字添改必註
明俟考皆首臣執筆想正統初年勒定張太皇太

后所云凡事聽先生主張者世世守之閣臣惟此
一柄可以著力卽神宗杜位久事多獨斷畱中亦
未嘗不依票改批至是獻策曰散其權某奮外奉
命何事不可爲璫甚喜傳旨云云呈秀亦投體言
曾糾陶朗先高曲庇借事報讎時山西巡撫缺已
擬郭尚友改推謝應祥謝曾爲嘉善令首垣經識
拔者御史陳九疇方外轉窺愾以門牆爲言詔停
應祥另推選郎首垣奪職責太宰及先生阿比余
驚曰部院待臯或得免聊城出不意睜目曰誰免

高子坤錄
誰免蓋成算已定惟就中人知之明日九疇畱用
朗先直追賊四十八萬凡蒲州原擬改之至盡蓋
皆兩人潛改潛送屢黜員外郎徐大化又伏內幕
潤色動千百言蒲州本以王安石與南昌劉是菴
先生皆逆璫所銜劉早去僅得免至是數見侵堅
臥余肩次受事權去無能爲朱童蒙以蘇松兵備
捶外告災者眾大閱引疾余照例票允聊城攫取
改擢京堂御史李蕃李恆茂言它事暗訕前案余
駁之南樂追還改褻煥余卽趨出旬日間蒲州太

宰及先生皆逐余賜歸歲除出京一網打盡呈秀
復用爲先鋒明年乙丑毀書院屢起大獄殺副院
首垣等十餘人太宰行戍欲并坐先生吳錦衣力
解得止至丙寅三月竟逮報至爲十六日謁道南
祠有別聖文歸看等後園評諸子舉原無生外四
字以示且曰急料理爲出門計獨身就理可免它
累作字二紙扁篋中復之內篋與夫人款語少刻
出取所封紙示兩孫曰無先發明日以此付官旗
時已三更命暫退移時聲寂諸子推戶入見燈火

高子地錄
熒然發所封乃遺表也諸子急從旁屏奔池畔則
赴水歠矣蓋次日丑時也異香撲鼻鄰人皆聞車
馬聲瓦裂聲衣履整齊淤泥不霑身滴水不入腹
數日成殮面色如生遺表云臣雖削奪舊係大臣
大臣受辱則辱國故北向叩頭從屈平之遺則君
恩未報結願來生臣高攀龍垂絕書乞使者執此
報皇上復有別友人書云僕得從李元禮范孟博
游矣一生學問到此亦得少力心如太虛本無生
歠何幻質之足戀乎聞者無不哀痛余爲位哭成

病至秋稍愈徃弔靈風肅然若或見之烏虜傷哉
夫河東厄于王振卽棗強之悍尚以臺長被訶叱
不敢鞠卒賴竈下執爨奴哭泣以免今忠賢之逆
十倍于振閣臣反逢其惡其餘艸偃因以報怨逞
志黑浪翻天鬼風布地坐視正人糜爛并及先生
曾爨奴之不若人止知南樂不知聊城有物有對
一顯一微小人作緣終露醜態不月餘春闈副考
陡被奪去鞅鞅有違言守位不終究竟挂齒調辭
解嘲奪者志無不忤威無不加然良心間露公論

難容取後一疏嗟何及矣逆璫科之以叛呈秀咎
以爲多立地譴歸蒙面以舛而坳麗諸人猶泰然
侈得意自謂遠或十年近且五七年可坐高富貴
然不渝歲聖主龍興首燬逆璫呈秀餘以次湔掃
一空先生得贈太子少保兵部尚書賜祭葬謚忠
憲廕子子世儒詣闕謝恩明旨俾爲孤忠寔學秉
節正終世儒復以先生兩次請移封母夫人未霑
一命具疏乞恩得封夫人又復邀三世誥贈自雪
樓公以下咸得恩贈如先生官噫噫是亦可以慰

矣生嘉靖壬戌七月十三日距其物得年六十有
五配王夫人子三女四孫男七孫女五曾孫一俱
詳述中世儒等以崇禎三年十二月廿八日葬于
九龍南嶧唼之諭塋先生旣歿且追卹海內益悲
思謂常人蓋棺始定真正學問人至此始見光輝
力量夫學自孔孟後程朱立準陸象山互有印正
遂覺分涂後之人習其說者皆不免流弊先生謂
從朱學弊爲實證可消從陸則流爲虛證難補蓋
淡見近日聰明人大言鼓動致人心陷溺思以救

高子坤錄
之又不欲明指其人祇煩詞說故以敬律身以靜
窺妙以易義乾坤姤復轉樞紐遮實補虛然後學
脈始清邪說自息功不杜距楊墨下而蒙難從容
符合明夷之指靜中得道諸苦咸除出外入生當
下超脫僞今古一人又何疑焉著作甚多內朱子
節要研訂取真正蒙集註解釋取備周易孔義則
一生精力所注真前聖所未發者余素不知學相
從日久以真之一字見許期以經世而今已矣世
儒等以志見託一時同志凋盡非余莫可在予徃

亦以爲言然下筆實難繪天測海未容艸艸而天
裂海枯驚悸垂歿之餘淚有餘思不屬荏苒年餘
則錢宮詹神道碑銘已出乃矍然摘而書之美不
勝書別有全刻不可不讀姑爲之銘銘曰

千古學術自有真諸儒講席多平分吾道南矣梁
谿瀆東林書院天下聞顧公開壇從如雲高公領
袞同其羣程朱訂定埽紛紜陰霾積久見朝昕從
教蛙鼓喧復殷獨衍孔脈精且勤剖判神理窮無
垠繭絲牛毛何足云興起善類德所熏立言垂世

比典墳振肅綱紀滌世氛閔不加察口露齷于我
何有等飛蟲超然箕尾謝魔軍入水不溺兒欣欣
粵香池影氣壹壹生歾如一見真君曰忠曰憲表
清芬我增一字則曰文

資德大夫正治上卿都察院左都御史贈太
子少保兵部尚書諡忠憲高公神道碑銘

南禮部侍郎 錢士升

萬厯之季朝士以東林為詬厲東林者梁谿諸君
子講學之所而景逸高先生其導師也先生自被
謫林居數十年晚起田間登九列昌言正色率屬
澄清而風節著大道莫容蒙難正志遇今上褒卹
贈太子少保兵部尚書賜祭葬議易名復奉有孤
忠邃學秉節正終之明旨而忠義顯顧先生之風

高子增錄
節之忠義皆學也窮理則好惡自誠見性則夭壽
不貳退藏于密而顯仁于造次顛沛烏虜此所以
爲先生與先生諱攀龍字存之別號景逸始祖曰
孟永公三傳至雪樓公代有隱德雪樓公生靜成
公材是爲先生王父舉于鄉爲黃巖令有異政生
繼成公德徵配陸夫人貳邵夫人實生先生靜成
公有弟靜逸公校逾壯無子請以先生爲嗣靜成
公許之後皆以先生貴贈太僕卿先生蒙卹典冑
子世儒詣闕謝恩邀三代誥贈自雪樓公以下皆

如先生贈官先生年十九補邑諸生又二年壬午
領鄉薦二十有五從顧涇陽先生講學讀大學或
問知入道之要莫如敬遂以肅恭爲主持心方寸
間久之悟所謂腔子者覺心不專杜方寸渾身是
心蓋志學時卽以程朱爲的矣己丑成進士隨丁
靜逸公艱廬中讀禮讀易壬辰謁選授行人適僉
事張世則疏詆程朱請改易傳註頒行所自爲書
于天下先生奮然曰小人而無忌憚至此哉遂上
崇正學闢異說一疏疊疊數千言嘗謂讀書意思

高子增錄
不進者尊德性工夫少也率半日靜坐半日讀書
偶坐僧房自視本體忽思閑邪存誠覺當下無邪
更不須覘誠忩然如脫纏縛已奉使歸時太倉當
國閣銓相牴牾小人有珩閣攻部者先生復命入
都甫三日上君相同心惜才遠優一疏語侵閣臣
下部院會議條旨上而先生降雜職矣甲午赴揭
陽尉自省身心總無受用遂大發憤于舟中嚴立
規程取先儒靜坐法門一一參求覺心氣澄清時
有塞乎天地氣象過汀州憩旅舍小樓悟明道先

生萬變壯人實無一事之語一念纏絲瞥焉斬絕
自謂出門至此學力凡三轉手勢詳三時記中乙
未假差歸戊戌構水居于蠡湖閉關趺坐作復七
規程甲辰東林書院成東林故有道南祠爲楊龜
山先生講學遺阯先生與顧涇陽先生請復之構
精舍與同志講習其中每會拈出宗旨洗發提撕
遠近負牆者人人得意而先生以端居靜定尤不
可少蓋學人神短氣浮淺染世俗必蕪頭讀書使
義理浹洽澄神默坐使塵妄消散乃可耳自言丙

高子年譜
午以後方實信孟子性善之旨程子鳶飛魚躍必
有事焉之旨已及大學知本與中庸之旨具困學
記中蓋先生自癸巳去國至是凡三十年學益進
道益尊而望亦益重光廟登極詔起建言廢棄諸
臣天啟元年起先生光祿寺丞明年晉少卿署寺
事綜理微密耗蠹畢清旣而廣甯失陷京師震驚
先生請逐鄭養性誅李如楨崔文昇以銷隱禍孫
宗伯疏論紅丸先生曰此一部春秋也會議謂舊
相交結鄭戚不知有君義甚峻未幾轉太常寺少

卿有務學疏略言明理以明心明心以出治不然
孝也不知其爲孝不孝也以爲大孝忠也不知其
爲忠不忠也以爲大忠疏上傳旨重處以福清力
持僅得罰俸已轉大理寺少卿又晉太僕寺卿而
講學之禁起鄒馮兩公皆請告歸先生于辭疏及
之有講學何臯頓空法紀之臣禁學何名欲行聖
明之世力請移疾不允明年春乞差出都貽書王
給事志道論兩朝事大要言人臣爲國當杜漸防
微懲前毖後不宐爲亂賊脫臯爲君父種禍夫皇

高子地錄
祖威福在手妙于調停是皇祖身上事皇考仁孝
根心妙于隱忍是皇考身上事皇上祖考杜念妙
于處分是皇上身上事若夫嚴萬古綱常守三尺
法紀君讎必報君賊必討是臣子身上事而柰何
諱之加以誣謗也至哉斯言聖人復起不能易矣
居無何起刑部右侍郎疏辭不允值皇子覃恩予
三代誥命先生曰君恩渥矣其何以報而同志亦
以大義敦趣甲子春入都而副院楊公臯璫疏上
中及枚卜蓋指南樂也南樂恚驥驥欲與璫合而

外廷諸臣以事權相齟機漸惡先生默爲聯絡備
極苦心會總憲岐廷推首先生時儕鶴趙公爲太
宰先生以門牆爲嫌力辭之太宰心動而臺省急
先生甚以天下事不得引嫌廢至公議遂波命下
先生控辭不允旣入臺激揚風采發御史崔呈秀
按淮揚時賂賂鉅萬竟褫職遣戍天下悻之呈秀
旣得重譴則潛伏輦轂急走魏璫以圖泄憤而南
樂又以偃蹇被糾益恚恨遂計不反顧與內合謀
而所欲急驅者部院則借晉撫事以發端首垣選

高子年錄
郎逐而先生與太宰俱罷歸矣乙丑春詔獄起追
贓一案將連及先生賴吳錦衣力持得免及游鳳
翔疏上而先生削奪矣已請毀東林書院矣先生
屏迹河干杜門絕交者逾年而有丙寅三月十七
日事當繆周二公之逮也先生自度不免先一日
肅衣冠謁道南祠有別聖文歸而得吳門信頗異
微笑曰其然乎及晚家人聚酌如常止云鬻田可
得千金完緹騎費蕭然就道矣就寢至夜半復傳
日中信先生聞之整衣起從容入書齋謂諸子曰

吾稍欲料理爲出門計可急覘舟束身就繫無恐
怖家人也作字二紙鎖篋中復之內寢與夫人款
語半晌出取所封紙置几上指示兩孫明日以此
付官旗勿先發命且暫退移時聲息寂然諸子推
戶入見燈火熒熒杳無輓迹發所封乃遺表也云
臣雖削奪舊係大臣大臣受辱則辱國故北向叩
頭從屈平之遺則君恩未報結願來生臣高攀龍
垂絕書乞使者執此報皇上復有別友人書云僕
得從李元禮范孟博游矣一生學問至此亦得少

高子地錄
力心如太虛本無生从何幻質之足戀乎諸子惶
駭急從芻屣奔池畔則先生已赴水矣諦視平立
水面衣履整齊淤泥不霑身滴水不入腹數日成
殮面色如生身瘠仲也結纓曾也易簣先生其同
而異異而同耶先生嘗謂少年不學老無受用事
多苦拂意苦疾病苦老从之苦益不可言靜而見
道此等苦皆無之先生末路風騷受用得手矣先
生書無不窺尤深于易所著有周易孔義乾坤始
復諸說其論心性理義如繭絲牛毛而學脈流派

參訂取精謂學微有心性之分孔孟已見朕兆朱
陸遂成異同至文成文清便是兩路兩者遞傳必
有所弊畢竟實病易消虛病難補今虛證見矣當
相與稽弊而反之于實又曰釋氏之學其精微吾
儒具有之總不出無極二字其弊病先儒具言之
總不出無理二字佛氏取忌分別是非如何紀綱
世界聖人因物之是非而是非之吾不與也所以
開物成務此其息邪閑聖功豈杜距楊墨下哉生
于嘉靖壬戌七月十三日距其歿得年六十有五

高子增錄
配今誥封王夫人生三子四女長世儒以諸生廕
入太學次世學以附例承廕次世甯諸生孫男七
人女七人詳志狀世儒以庚申年己丑月壬申日
丁未時葬先生于嶧唼之諭塋而以墓隧之詞相
屬并五十無間何能窺先生萬一顧自爲諸生時
從涇陽先生于東林因親炙先生及先生起勳署
得侍同朝數過從受教至于今盡讀先生之遺文
恨覲面失之不獲如醫閭之事白沙也竊儀圖之
先生光風霽月似茂叔太和元氣似明道整齊嚴

肅似伊川讀書窮理立朝岳岳似晦翁若新會之
灑落餘干之主敬河津之實踐姚江之超悟先生
兼有之而無其弊蓋國朝理學名臣滌伊洛淵原
以上接洙泗者先生一人而已它美行不具載第
識其大而系之以詞
宋有大儒厥惟程朱居敬窮理孔矩同符微言旣
遠正學榛蕪無善無惡乃墮野狐先生之學滌流
閩洛力闢禪宗導以聖鐸境有動靜功兼約博致
其精微棄彼糟粕講道林泉垂三十年晚起廢籍

諸賢比肩扶植天常侃侃僂僂激揚風紀顧邵後
先羸豕漸孚亢龍有血義不辱國從容明浚晝夜
可通泡影忽滅入水不濡汨羅非埒帝鑒忠精襄
卹九京將作營葬太常易名惟忠惟憲二法合并
德有餘美名匪苟成新宮如堂穹碑如歸精神行
天歷百千紀先生有言本無生歟廓然大虛何終
何始

督貳資德大夫正治上卿都察院左都御史贈太

子少保兵部尚書景逸高先生行狀

工部侍郎 葉茂才

明興二百五十餘年吾邑以理學名者邵文莊公
而下代不乏人而隆萬以來則有顧涇陽先生于
邑之東林闢道南精舍以鼓舞善類講明正學士
烝烝向徃幾與白鹿紫陽鼎立宇內維時與涇陽
先生相左右繼先生為主盟而集其成者高先生
存之也先生諱攀龍存之其字世僊景逸先生天

高子增錄
啟丙寅漫于黨禍今上龍飛卹典渙頒贈太子少
保兵部尚書賜祭葬廕子沈寃得白孤世儒等將
營窀穸謀所以不朽者而先以狀屬余余與存之
同入泮又同舉禮部少而壯壯而老出入相友者
幾四十年知存之者宜莫如余乃勉爲詮次以備
采擇高之先有孟永公者始居邑東南隅孟永生
耕樂耕樂生省軒省軒生雪樓雪樓公配浦氏生
二子長靜成公材起家孝廉令浙之黃巖有循良
聲居鄉以長厚聞卒祀名宦鄉賢祠次靜逸公校

無子靜成公生繼成公德徵子七人配陸氏無出
貳室邵氏出者五存之其二也方在襁緥靜成公
抱以屬弟曰是兒生有佳荷之兆弟其子之遂爲
靜逸公後存之官光祿少卿及晉刑部侍郎兩遇
覃恩贈祖靜成公嗣父靜逸公如其官祖母嗣母
贈淑人生父繼成公嫡母陸生母邵援移封例贈
亦如之存之少有異稟言動不苟五六歲時嗣母
授以果餌必偃僂而受或命自取亦如所授之數
而止其根器夙成已露一斑矣稍長從文學茹澄

高子坤錄
泉先生游于孝廉許靜餘先生亦尊事之以學行
相砥礪未冠補邑諸生壬午舉于鄉年二十一
爲沈相國龍江公徐中丞簡吾公所識拔一見以
天下士期之癸未丁嗣母艱戚易備至喪葬如禮
至丙戌丁亥間邑令李元冲延江右羅止菴與涇
陽先生講學于黌宮士紳雲集存之躍然喜曰吾
夙有志于學今得縣父母爲嚆矢吾學其有興乎
于是早夜孜孜以全副精神用于止敬慎修存心
養性遷善改過間而學始有入門矣迨己丑成進

士與薛以身王信甫歐陽千仞輩同出趙儕鶴先
生門趙爲振古人豪同門皆表表英傑一時聚樂
所見益遠以大所得益淡以邃交相勸勉有不詣
其極不止者未幾間嗣父計星夜馳歸擗踊悲號
幾不欲生讀禮三年孺慕如一日自料理襄事外
惟定省生父洎嫡母與講學會友翻經閱史爲日
程它無所置念也服闋謁選授行人時有四川僉
事張世則疏詆程朱以所著書獻求頒行天下存
之不勝駭愕上崇正學闢異說以一人心以端政

高子年錄
本疏得旨程朱正學崇尚已久豈可輕議近來士
習元虛何裨實用高攀龍所言有關世教張世則
勦襲浮詞來奏姑免究未數日復上今日第一要
務疏內言天下之大本與天下之大機欲上法祖
操心講學勤政發帑理財疊疊數千百言語甚剴
切疏畱中不下說者謂此兩疏關係學脈紀綱甚
大雖一行一不行而存之素所蓄積已吐露于大
廷矣時僚友同志者若聊城遂與權江右陳彝仲
徽郡洪平叔皆海內名士存之與上下其議論或

紬繹徃古或參酌來今或講究典墳或詢訪人物
或善以相長過以相規徃徃至丙夜不休僣莫逆
友後諸公皆蔚為名臣存之有力焉行人署中多
藏書恣意揆討得其要領者手自摘錄一日讀薛
文清粹言曰一字不可輕與人一言不可輕許人
一笑不可輕假人惕然有當于心自後每事必求
無媿三言而後已因作日省編以先儒所論切要
工夫分附大學章句下為初學指南又集崇正編
以先儒所論儒釋分歧處彙成一書以端學脈久

高子年錄
之忽自念讀書雖多不甚得力者尊德性工夫少也當分日之半讀書半靜坐爲涵養德性之地每出游則于水邊石上茂林修竹處靜坐習儀則于禪扉靜坐夜臥至平旦氣清時卽攤衾危坐一日坐久精思閑邪存誠句覺當下無邪渾然是誠更不須覘悞然如脫纏縛從此反躬實踐會友談心無非是物不自知其情之適理之親也壬辰臘月齋詔至金陵事畢謁鄒南皋朱虞對瞿洞觀諸先生請益諸先生傾蓋如故淡夏共榻各傾吐底裏

互相質證以存之爲海內有數人物定交而別抵家昕夕娛親外益務親師取友考德問業徃毘陵謁錢啟新先生徃姑蘇謁王少湖先生每對諸子曰錢先生謂孔門學脈凡事只求天知此語甚確王先生謂士君子處不足善其身達不足善天下焉能爲有無須是立得大節居鄉勿爲鄉原居官勿爲鄙夫方有可說處此語令人惕然淡省又云吾沈雅不若涇凡勇勵不若文石直截緊嚴不若元臺樸齋其篤信先覺之言不難以身下人如此

高子年錄
癸巳冬抵京會戶部郎鄭材楊應宿陰有所埒麗
指擊諸賢甚力存之憤激上君相同心惜才遠佞
以臻至治疏有旨著部院會同該科從實究問及
會議疏上應宿有奧援止降級調外存之則謫尉
揭陽矣赴謫所涂遇東粵陸古樵聞白沙先生主
靜之學自歎于道尚未有見發憤曰此行不徹此
事真虛過一生矣涂中嚴立規程取前所爲涵養
德性之法靜坐與讀書互用如是者兩閱月而心
氣澄清與膠膠擾擾之時大有徑庭過汀州陸行

宿旅舍對山臨澗種種悅心手持二程書見明道
先生之言曰百官萬務兵革百萬之眾飲水曲肱
樂在其中萬變俱在其實無一事猛省曰原來
如此實無一事存之平日淡鄙學者張皇說悟此
時看作平常在揭陽三月日子衙齋課士正文體
釋書義集諸儒要語刊示之諸生彬彬顧化又得
良友蕭公自麓羅念菴先生門人也學以主敬立
基與存之合轍將歸自麓贈言曰公當潛養數年
不可發露前輩皆默用一番堅苦工夫故得成就

高子年譜
耳存之淡然之瀕行復爲地方除一大慙至漳州
與李見羅先生辨論數日李意主明宗修身爲本
學之宗也知本則心意知物各止其所便有無所
事事光景格致誠正不過就缺漏處昭管提撕耳
存之則謂格致是大學入門第一義卽中庸之明
善也所以使學者辨志定業剖爲己爲人之界別
義利公私之極其所關取爲喫緊初學下手必使
此心光明洞達無毫髮含糊疑似于隱微之地以
爲自欺之主然後善必爲惡必去意誠心正而身

修善所以純粹而精止所以凝定而固也不然非
不欲止欲修而氣稟物欲拘蔽萬端恐不能實用
其力矣且條目次第雖非今日致明日誠然著先
後字亦有意義不宐籠侗說過其恪遵程朱如此
然存之嘗謂余曰李見老揭修身爲本于學者甚
有益故遊其門者俱切實可觀其于明宗之旨蓋
未嘗不心服也丙申連遭生父母喪哀毀骨立寢
苦枕由一遵古禮雖格于限制不得終三年喪而
暮服內備降服子基以外備心喪子識者以爲得

高子坤錄
體云遺命析產爲七存之曰兒有嗣產杜不敢當
盡出爲喪葬資餘置義租贍親族洎父妾之無出
者迨四喪畢遂築室湖濱爲終老計名其樓曰可
樓言無所不可也攜一二童子相羊湖上動以旬
月計同志如吳子徃歸季思來訪相與焚香兀坐
坐必七日取大易七日來復之義作復七規程是
秋始會蘇常諸友于二泉之上與管東溟先生辨
無善無惡之旨觀聽者踵相接至無所容于是涇
陽先生倡議曰百工居肆以成其事吾輩可無講

習之所乎乃集同志數人醵金數百卜築楊龜山
先生講學遺址相傳所謂東林者與諸友棲息其
中每月集吳越士紳會講三日遠近赴會者數百
人存之與涇陽先後主盟每一開講得聞所未聞
靡不忻饜而去存之每謂學者曰諸兄雖從事講
學終不可無端居靜定之力蓋各人受病不同而
救療之方總以調養元氣爲主大聖大賢善養浩
然之氣故能收攝精神主靜立極學者神短氣浮
須得數十年靜力方可變化氣質培養德性而其

取受病處又杜自幼以干祿爲學先文藝而後德行俗根入髓非頃刻可拔必藴頭讀書使義理浹洽變易其俗腸俗骨澄神默坐使塵妄消散堅凝其正心正氣乃可耳至其自諗進學之序則曰吾至丙午方信得孟子性善之指至丁未方信得程子鳶飛魚躍與必有事焉之指至辛亥方信得大學知本之指至壬子方信得中庸二字之指至此覺得天地間道理只是停停當當一箇中平平常常一箇庸有一毫走作便不停當有一毫造作便

非平常本體如是工夫如是天地聖人不能究竟況于吾人甯有涯際勤物敦倫謹言敏行兢兢業業斲而後己云爾烏虜存之見地至此真不負蕭自麓所謂潛養數年默而成之者矣又數年抵庚申洗心退藏其工夫愈嚴密應用愈圓融與朋友交懇懇款款愈澹沈而和易僉謂集東林之大成者杜存之矣明年天啟改元奉遣詔起謫籍諸臣臺省交薦起光祿丞意欲不行吾輩勸駕者謂義不可辭乃幡然曰義果如是且吾親未霑一命脫

高子年錄
世不我容惟不俟終日可耳于是以東林講會屬
執友吳覲華主席而單車就道至歲暮抵京隨作
一偶黏座右云精白厥衷一率其不損不加真性
靖共乃位勿昧其可仕可止本心次年二月陞少
卿署寺事值上元節缺上供天鵝羣璫悉索存之
援舊例以家鵝代譁者帖然署寺數月裁無名供
費發鋪行物價革諸曹鋪壑積弊如洗中官見者
懾服退相戒毋犯旣而廣甯失陷京師阽危人無
固志存之鎮以安靜疏薦孫公愷陽董公見龍李

公之藻鹿公善繼等及慎畿內守令之選行保甲
防禦之法得旨允行又見外戚勳貴中官家皆姦
細窟宅京師禍本不可不除輒抗疏披瀝言之大
宗伯孫公淇澳追論舊輔紅丸事下部院九卿科
道會議存之持論益鑿鑿不少顧忌諸貴戚大臣
近侍皆側目斂手思有以申傷之矣尋轉太常少
卿有恭陳務學之要以立致治之本疏疏內復及
方鄭二氏傳旨欲重處葉相國維持僅止罰俸復
轉大理少卿晉太僕卿疏辭不允遂乞差還里舟

中闕寂著周易孔義六指謂五經註于後儒易經
註于夫子說易者明夫子之言而明易矣數年前
與錢啟新先生講易東林多所闡發欲勒成一書
言未就至是始得卒業其言易簡而精微多前人
所未發云里居數月卽家起刑部侍郎復疏辭不
允乃與門人華水部同舟北上時楊副院大洪疏
論魏忠賢大辜二十四奉旨切責矣又有旨逮株
御史杖萬工部矣中官圍首輔門索御史毆工部
郎至死不問矣天下大柄變變盡歸宦寺無可盡

何存之乃謂當事曰今日外庭法用正直內閣法
用和婉內閣當借用外庭不可以正直而疑其激
外庭當責成內閣不可以和婉而疑其媚如此乃
相成也又曰中官用事未能拔其毒且須殺其毒
空如歸德相公故事諳諳勸化諸璫勿與吾輩爲
敵庶幾縉紳之禍可減萬分一耳無何總憲員缺
舉朝會推莫踰存之者存之發憤辭曰趙太宰是
龍座師可與門人分掌部院乎大司寇喬公左司
寇饒公皆正人也而饒公資俸深受杖戛慘可越

高子坤錄
次用龍乎不若用副院署事僉曰然擬副院名
上魏璫大怒傳旨推見杜者眾復彊存之存之讓
饒太宰亦許註饒而河南道堅執不從卒以存之
名上次日得旨存之益跼蹐不自安乃具疏懇辭
曰都御史者古御史大夫之職也天下事皆得言
之無柰世習之漸靡久矣臣子不以直心爲國則
有難振之氣以請託賄賂爲固然則有難洗之習
以同異起愛憎以愛憎爲臧否則別白之難無端
而分畛域疑弓影則調伏之難所以難者緣人各

有私故因私成隔必居此位者先無私而後可以
消人之私先無隔而後可以通人之隔至御史簪
筆者關公論之明晦巡方者係億兆之安危必爲
之長者合爲一體萃爲一心惟君國是殉無苟營
身家而後可宏濟于艱難不然御史之失職卽都
御史之失職也其關係何如者而以臣當之如覆
餗何疏上不允乃就職存之謂安民務杜懲貪欲
懲貪必自輦轂始一入中臺卽有禁絕書儀榜縣
挂通衢明示爲人臣者不當以好貨爲貪吏的也

高子坤錄
適有兩御史回道一至廉卽令謝操臺註上考一
至貪卽崔呈秀立疏糾之奉旨著吏部從重議處
部覆仰承德意褫呈秀職贓私著撫按會勘的實
依律遣戍時謂存之新入臺能舉職矣呈秀昏夜
乞哀于忠賢忠賢是時如鸞鳥伏匿雖不卽爲解
救而與呈秀結父子歡恨外庭實甚存之知時事
不可爲惟有興吏治以安民生可少延旦夕乃復
具申嚴憲約一疏大意欲責成撫按以約束司道
責成司道以約束府州縣責成府州縣以安民生

條列五十餘款如農桑水利敦教化育人才正人
心厚風俗以至刑名錢穀積貯給散保甲防禦彰
善癉惡剔蠹釐姦之法甚具而要以躬行倡導節
用愛人爲主掌憲風規大略可覩然無如羣小之
搆陷何也時魏南樂爲臺省交參懼不能容與呈
秀共入閹幕恐嚇忠賢合謀以傾正人遂借會推
巡撫一事爲一網盡羅之計首擊去夏文選魏都
諫次部院次政府次及言官之忠鯁與各衙門之
守正不阿者靡一子遺乙丑春夏間緹騎四出矯

高子坤錄
旨逮楊副院等六人至京各坐重贓先後繫詔獄
諸姦恨未已竝欲坐存之贓藉吳錦衣孟明以百
口保始獲免至要典錄成坐移官一案爲南道游
鳳翔所訐削籍爲民追奪誥命存之欣然曰非此
異日無以見諸公地下先是京師議毀鄒南皋馮
少墟等所建首善書院削兩公籍至是議盡毀天
下書院而東林尤所取忌欲索價萬餘濟大工及
拆估入官僅得三四百金而東林遂爲瓦礫區學
者無立錫之地矣當是時存之屏迹湖上玩易不

輟客至斷橋以禦之丙寅春復逮繆西溪周來玉
兩公存之自度不免而絕不露一毫聲色至三月
十六日早肅衣冠謁龜山祠歸與一二親知看花
園中談笑自若忽傳有緹騎消息存之微笑曰此
信果的吾視死如歸耳又數舉原無生死四字以
示杜坐曰原無生死何得視生死爲二若臨死轉
一念便墮苦海安所僞立命哉平生講學此處看
透得力不少是夕祖孫父子相聚晚酌無一言及
家事第云吾有贍田二百畝售之可當緹騎費俟

高子坤錄
天明蕭然就道耳兒輩各歸寢吾亦安枕矣至夜半復傳前信至存之起坐問曰信的乎步入書齋取紙書數行鎖篋中復至夫人所款語半晌出兩孫趨侍諭之曰吾此行未卜歸期丁甯汝者只四字曰無貽祖羞而已復取篋中紙手自封固置几上曰以此付官旗勿先啟視兩孫出寢戶閉以爲復就榻矣頃之不聞聲響子若孫推戶入第見一榻枵然徧視不可得亟發几上封視之乃遺筆也云臣雖削奪舊係大臣大臣受辱則辱國故北向

叩頭從屈平之遺則君恩未報結願來生臣攀龍垂絕書乞使者執此報皇上諸子讀未竟大驚急趨視池濱已化去矣是十七日丑時也午後府帖至縣知官旗于隔晚到府存之赴水適當其時豈其靜養一生神明默啟至誠前知耶胡其從容暇豫不疾不徐一至此邪所取異者平立水面冠不溼履無泥攤起竟日無滴水出口停斂數日以待長君顏色如生觀者無不驚爲神云存之之學以程朱爲的以復性爲主以知本爲宗以居敬窮理

相須竝進爲終身之定業四方從遊者至先令讀小學近思錄等書次卽令靜坐以養深厚之氣作心性說曰心與性謂之一則不可混謂之二則不可分佛氏所謂性皆心也言慈悲卽仁言般若卽知絕不言禮義故所謂仁知者非吾聖人之仁知也聖學從窮理入故卽心卽性佛氏不窮理故是心非性又曰佛氏一切平等最忌分別是非如何紀綱得世界紀綱世界全要是非明白聖人因物付物是者是之非者非之我無與也所以能開物

成務又曰學必繇格物而入有物必有則則者至善也窮至事物之理窮至于至善處也格物不至于極處多以毫釐之差成千里之謬又曰吾性本來無物不可自生纏擾本來具足不可自疑虧欠本來蕩平正直不可自作迂曲本來廣大無垠不可自爲局促本來光明洞達不可自爲迷昧本來易簡直截不可自爲造作作氣質說曰性者學之原也知性善而後可言學知氣質而後可言性性非學不復學非變化氣質不能復性人自受形以

高子年譜
後天地之性已爲氣質之性矣非天地之性之外
復有氣質之性也善反之則氣質之性卽爲天地
之性非氣質之性之外復有天地之性也故曰二
之則不是作靜坐說曰靜坐之法不容一毫安排
只平平常常默然靜去畫前之易如此人生而靜
以上如此喜怒哀樂未發如此靜中妄念彊除不
得昏氣亦彊除不得真體旣顯妄念自息妄念旣
息昏氣自清繇靜而動亦只平平常常靜時與動
時一色動時與靜時一色不過借靜坐中認此無

靜無動之體云爾又曰惟天理至靜惟喜怒哀樂
未發渾是天理濂溪主靜主于未發也主靜之學
始于慎獨終于無欲又曰靜中看工夫動中看本
體工夫未是靜中作主不得本體未真動中作主
不得學無動靜其初靜以澄之至無動無靜乃真
靜也又曰有理靜氣靜之別理靜者理明欲淨匈
中無事而靜也氣靜者定久氣澄不著于物而靜
也兩者交資互益不可偏廢如但以氣而已動卽
失之何益哉其闢陽明無善無惡之說謂道性善

者以無聲無臭爲善之體陽明以無善無惡爲心之體一以善卽性也一以善爲意也故曰有善有惡者意之動佛氏亦曰不思善不思惡以善爲善事惡爲惡事也此何可言明善作洗心說曰無求飽無求安不作居會想彼富我仁彼爵吾義不作富貴想仰不媿頰不忤不作怨尤想用則行舍則藏不作窮達想行不義殺不辜得天下不爲有甚動得我人知嚮嚮人不知嚮嚮有甚苦得我非仁無爲非禮無行有甚恐得我江漢濯之秋陽暴之

有甚污得我鳶戾天奠躍淵有甚局得我識得這箇真更有何心可洗如何識得曰退藏于密而已愈密則愈真是謂一物不容是謂無聲無臭是謂洗心作主敬說曰學有無窮工夫心之一字乃大總括心有無窮工夫敬之一字乃大總括千聖萬賢只一敬字做成主一之謂敬無適之謂一如何能無適明道曰學者須先識仁識得仁以誠敬存之勿貳以二勿參以三是謂主一又曰主敬有三法伊川整齊嚴肅上蔡常惺惺和靖其心收斂不

高子坤錄
容一物是也然惺惺與收斂難得恰好纔著意便不是惟整齊嚴肅未嘗不惺惺未嘗不收斂內外卓然不犯手也其自學教人之法總不出此諸說中欲學者進則以此施之天下退則以此修之吾身如行者之有家耕者之有畔宛若程朱家法也存之著述頗多有二十餘種皆關世教輯朱子節要一書與近思錄相表裏尤極苦心無論長篇短述隻語單詞皆膾炙人口不可殫述嘗語同志曰天下事敗于邪見之小人無見之庸人偏見之君

子曰人一點恥心被馮道滅盡一點畏心被王安石滅盡後世尚有稱述之者真小人而無忌憚矣曰天下不患無政事患無學術學術者天下之大本也學術正政事焉有不正末世以講學爲諱如政事何曰政事本于人才舍人才言政必無政財用本于政事舍政事言財必無財曰聖人之學常用逆法凡人自幼與人欲曰順一日故與天理曰逆一日聖人自幼與人欲曰逆一日故與天理曰順一日曰吾儒學脈有二孔孟微見朕兆朱陸遂

高子年錄
成異同文清文成僂分兩岐我朝學脈惟文清得其宗百年前宗文清者多百年後宗文成者多宗文成者謂文清病實而不知文成病虛畢竟實病易消虛病難補今日虛病見矣吾輩當稽弊而返之于實此數條者前無所因後無所襲獨見而獨言之其憂世淑人砥俗回瀾之意溢于言表矣其持身也目不視非禮之色耳不聽非禮之聲手不接非禮之財足不履非禮之地門不納非禮之人其荆家也孝友天植鞠我生我咸得其歡五弟一

兄白首無間與夫人王氏雖雖肅肅相莊如賓視猶子如子視猶子之子如孫義方之訓燕翼之謨洋洋如也下至臧獲馭之嚴而有恩與司馬之僕無二其待師友也于澄泉靜餘總角論文世締其好無論已厥後子弟之師邂逅之交亦靡不終始相歡緩急相周患難相恤如左右手者其待戚里也若外家若甥家壻家貧者助賢者煥孱弱者卵翼能文者薦拔其待鄉邑也孝義忠節力爲表揚大利大害力爲興除凶年饑歲力爲振濟至設爲

高子坤錄
役田役米以蘇糧長之困設同善會以恤邑中之
鰥寡孤獨者尤厚恤其貧而賢者其施益宏且遠
矣評者謂其立朝也有斷斷休休閭閻侃侃氣象
涉世也有不流不倚不爭不黨氣象燕居也有申
申天天氣象誨人也有循循善誘氣象進而危言
危行奮不顧身也有壁立萬仞底柱中流氣象退
而願學孔孟不雜異端也有醅乎其醅精金美玉
氣象禍患突臨從容就義也有內省不疚不憂不
懼氣象烏虜斯真存之之實錄也夫余猶記曩者

赴任滁陽存之手書偕行說贈余偕行者與時偕
行也易言與時偕行者三乾也損也益也余謂乾
之時行存之有其五焉其謫籍家居者餘三十年
遯世不悔若將終身時潛而潛也主盟東林闡發
聖賢之精微以興起斯文爲己任時見而見也日
就月將瞬息存養而頃刻靡敢怠皇時惕而惕也
遲疑于出處進退之間自試于勳寺罔卿之際時
躍而躍也至于掌憲內臺爲眾賢之領袞時當外
計作貪吏之劔芒則幾于亢矣矧中涓伏負嶠之

虎儉邪逞報復之謀屢霜堅久存之必有炳于幾
先者而無柰適遭其窮不得不時亢而亢其追隨
屈平而含笑以入于水也所稱進退存亡不失其
正者非與存之每自謂一生用易不虛耳惟是吾
黨失一良友海內失一斗山杜朝杜野失一規渠
準繩之君子不能不爲世道三歎息也余無似不
能仿佛存之萬一詎能闡揚懿美以昭示來茲所
恃大君子椽筆鴻裁一言表章千載不朽

祭高先生文

嗟嗟悲哉悲哉何使余隕淚和墨而筆不能下者
屢也余何悲于先生謂天不憖遺而國空虛也先
生之使余獨悲之甚也謂海內知己惟先生一人
杜足以不恨而今不可復覩也今漢署中纍纍若
若者豈不充位乎誰足當先生者國以一人興先
生之齋志而未伸者十之九也以余之忤俗違時
而先生謂周吏部曰范某舊銓典型宜如涇陽先
生故事用之方能脫胎換骨此語余所不敢當顧

不知先生何取于余而云爾也先生又嘗爲文以壽先人矣其文雖以壽先人而實以教余先生之言曰聖人何以異于人哉聖人習而安之眾人不安而不習也是先生之警我以眾人而誘我以聖人之道也何篤摯也余家會廿餘年足不履戶外顧與先生郵筒往來無虛月余每于時事之大者獨謂諸君子之過激非是此語不可聞于諸君子之耳而先生書來獨是余言曰諸君子之過激使公論反出于小人而私情反出于君子如來教所

謂君子之公論也可見天下事有一定而不可移之理云云先生非知余之深余何敢以此語進而先生果獨許余言之不謬也然則海內一人知己非先生而誰而今已矣誰當知余者而又安能已于悲也雖然人之悲先生以情而先生則淡于道者有龍德焉得時興雲而雨天下非其時則蟄伏于泉壤而已矣當逆璫煽虐緹騎將及先生之門而先生先一日而效屈原故事不落姦人凶手此豈不謂清明杜躬志氣如神而淡于道者哉先生

高子增錄
之生而歿歿而葬亦猶龍之蟄伏泉壤焉耳何生
何歿而又何以悲哉余方值海上亂民之變罹禍
奇慘恨不如早歿璫而僅以削奪止也亦惟是疲
于奔命未及哭先生之堂而遙致雞絮其終安能
已于悲邪然人之悲夫主以替而去主則死于
我夫主而歸而今已矣誰當哭余昔而又安能
哭也果爾情余言之不盡也然限於內一人賦
之數云云夫非我哭余之哭余何難也此語雖
高子增錄終邑後學吳祥霖校字

高忠憲公年譜書後
明邵文莊顧端父高忠憲三先生多錫三大儒
也初文莊既沒久無年譜至端父忠憲並起始
相與補成之其為譜出於私淵後儒固以道相
感而能見其大若夫忠憲年譜始輯之者為華
吏部鳳超先生其為譜出於入室弟子允淨諸
親炙而能見其真為黨讀之殆未有不興起者
然作譜之始未與其感必讀者豈盡知之乎崇

禎初吏部起補工曹念忠憲當秩文庶亟繕疏
數千言將請於朝會杜黃門先言之未允而吏
部仲兄龍超公自家貽書京邸謂非今日所宜
言惟當場力表章使忠憲之學昭明於世而後
可歲及此吏部侍書喟然爰取疏稿藏之而力
以表章師傅為己任始輯忠憲年譜云先是吏
部從學東林及登第後執贄既而同舟北上心
悅誠服以為幾於無行不與具載劄記中至是


乃以平昔獨知獨見証諸天下共聞共見博求
諸同門知契密訂諸遺書記錄故此編其譜年
也莫非潛學也其潛學也為清祀張本也此則
吏部之心也抑感真者必真方忠憲閱逮而
赴止水也拜表謝闕然香告初而外不作一語
瀟家人獨手題一帖決別吏部乃閱二十餘年
吏部以復徇節若先借是潛心相印心相滂也
者按諸願高兩公之潛文莊不更有光歟忠憲

從孫楚培氏及其子象妣夙奉學憲以庭訓孜孜於紹明忠憲家學己巳冬既捐橐重梓高子遺書復搜是年譜附訂於後俾學者讀其書即思知其人一則伸吏部表章之心一則著師弟後先之跡而將來祀議之準又何俟他求也哉余向謂陳儀部我亭以崇禎辛未訂遺書而吏部旋以乙亥成年譜兩先功在高門如鳥翼車輪不可缺一亘今此之合璧而行矣竊歛先

獲我心故泚筆備書之因憶吏部孫何思大令嘗語予曰先吏部於忠憲入道之序皆道困學記提挈不明又如壬寅輯朱子節要成戊午有戊午吟辛酉入京以東林溝席拜託葉吳兩公皆卷中加意焉斯言也夏中心藏之併敢私識末簡為讀譜者告焉

時

康熙己巳嘉平同里後學張夏拜手敬書



Faint vertical text columns, likely bleed-through from the reverse side of the page.

高忠憲公年譜

受業門人華允誠謹述

世宗肅皇帝嘉靖四十一年壬戌七月十三日午

時先生生

先生姓高氏諱攀龍初字雲從後字存之別號景逸其先人曰孟永公始居無錫一傳耕樂公如圭再傳省軒公翼三傳雪樓公適代有隱德雪樓公生靜成公材舉孝廉令黃巖有異政祀名宦鄉賢靜成生繼成公德徵配陸夫人貳邵

高子年譜
夫人實生先生靜成有弟靜逸公校配朱夫人
無子因以爲嗣先生之生也有盆蓮之瑞靜成
公詩以志喜後先生得手筆于穴紙中捧誦珍
悼跋云蓮花之君子也發于盆盎小能大也常
人神局于六尺君子神充于宇宙亦若是矣出
于汙泥汙能潔也常人心役于五官君子心超
于萬物亦若是矣蓮多子者也子以及子吾兄
弟子孫相率爲君子乃所以報吾祖報天之休
高也憲公平韻

四十二年癸亥二歲

四十三年甲子三歲

四十四年乙丑四歲

四十五年丙寅五歲

穆宗莊皇帝隆慶元年丁卯六歲就外傳

先生神采奕奕善讀書言動如成人母授果餌
敬而受之或命自取必如所常授數

二年戊辰七歲

三年己巳八歲

高子年譜
四年庚午九歲

五年辛未十歲

六年壬申十一歲

神宗顯皇帝萬曆元年癸酉十二歲工文章

二年甲戌十三歲

三年乙亥十四歲

四年丙子十五歲應童子試

師事邑中茹澄泉兄事孝廉許靜餘以學行相

砥礪暇則默探討諸儒語錄性理諸書

五年丁丑十六歲

六年戊寅十七歲

七年己卯十八歲

八年庚辰十九歲

九年辛巳二十歲補邑諸生

十月娶王夫人

初聘王抑所女繼山孫女殤抑所以先生爲天

下第一流人品卽抱內戚沈女續好先生佩德

十勿替終身無二色

十年壬午二十一歲舉于鄉

爲沈龍江徐簡吾所識拔一見以天下士期之
闈中原係落卷將發榜矣簡吾就榻不能寐鼠
齧其足者三簡吾異之暗中抽一落卷卽公卷
也呈主司遂得中式

十一年癸未二十二歲

十二年甲申二十三歲丁嗣母朱夫人艱

十三年乙酉二十四歲

每日嚴立課程自臥榻至日逐經行處壁閒悉

黏一圈期于觸目警心無令此心放逸又有
日鑑篇以德業之敬怠義欲分註于天時人事
之下日有稽月有考

十四年丙戌二十五歲始志于學

邑令李元冲延江右羅止菴與顧涇陽先生講
學于黌宮士紳雲集先生躍然喜曰吾夙有志
于學今得縣父母爲嚆矢吾學其有興乎于是
蚤起孜孜以全副精神用于止敬慎獨存心養
性遷善改過間而學始有入門矣

十五年丁亥二十六歲服闋
十六年戊子二十七歲入南雍
司成趙定宇略師生之分結忘年交
十七年己丑二十八歲舉進士
分考高邑趙南星儕鶴評云此卷似知學者當
拔之牝牡驪黃之外同門有薛以身敷教歐陽
宜諸東鳳王中嵩述古
七月丁嗣父艱歸
讀禮三年孺慕如一日自料理襄事外惟定省

生父母與講學會友翻經閱史爲日程他無所
置念也

十八年庚寅二十九歲

十九年辛卯三十歲服闋

二十年壬辰三十一歲謁選京師

先生廷試三甲當爲令丁憂起復當改京職值
選司鄒孚如議申舊例仍與外先生喜寄父書
曰男觀今日時事日非天下事無一可做稍酬
生平惟有守令耳部官悠悠坐老歲月不若乘

此年力做一出頭以後可迎刃而解嚴不至激
和不至隨兒自量力能爲之愛民好士一介不
取兒亦量力能爲之邑中豪傑雖多兒意所取
法者邵文莊王繼山二公皆自州官起脚夙志
如此未審得遂否旣而鄒議不行

六月授行人司行人

上崇正學闢異說疏尋上今日要務疏

時有四川僉事張世則疏詆程朱欲改易傳註
上所著書求頒行天下先生不勝憤愕上崇正

學闢異說以一人心以端正本疏上嘉之曰高
攀龍所言有關世教不旬日尋上今日第一要
務疏言天下之大本與天下之大機欲上法祖
操心講學勤政發帑理財語甚剴切畱中不下
時僚友同志若聊城遂與權中立江右陳彝仲
徽郡洪平叔文衡先生與之上下今古講究性
命詢訪人物善相長過相規稱莫逆交後諸公
皆蔚然爲名臣先生有力焉
司中無事藏書甚多得恣意探討取二程朱子

高子年譜
全書薛文清讀書錄手自摘鈔作日省編集崇
正編尤多用尊德性工夫以半日靜坐半日讀
書一日靜坐久之忽思閑邪存誠句覺得當下
無邪渾然是誠更不須覓一時快然如脫纏縛
從此反躬實踐會友談心種種無非是物矣
十二月齋詔金陵
謁鄒南皋朱虞葑瞿洞觀諸先生
二十一年癸巳三十二歲正月自金陵歸
鐙夕前抵家朝夕娛親外益務親師取友考德

問業往毘陵謁錢啟新先生往蘇州謁王少湖
先生嘗曰王先生謂士君子須是立得箇大節
居鄉勿爲鄉愿居官勿爲鄙夫方有可說處語
不多令人惕然淡省

十二月復命建言謫廣東揭陽典史
入都三日見鄭材楊應宿附閣攻部掇擊眾正
甚力先生憤激不平上君相同心惜才遠佞以
臻至治疏語侵閣臣遂有此謫大要言諸臣罷
黜非輔臣欲除不附己則內侍不利用正人而

高子年譜
應宿等反借不附吏部之名致阿徇閣臣之實
閣臣聲音笑貌聞雖示開誠布公之意而精神
心術之隱實不勝作好作惡之私以致機權潛
用善類坐空云云奉旨著部院會同該科從實
究問先生侃侃詰問不少諱避因有皇長子萌
春出閣之諭先生雖身在危疑喜國本大定與
相知酌酒相慶忘其一官之去又遺吳海洲曰
人行義非難所安爲難此心清淨中一物不可
著何處著一官若一念未融其道不光矣了此

便鳳凰翔于千仞海洲亦爲先生建言削籍者
也

十二月辭朝歸

二十二年甲午三十三歲七月赴任廣東

顧涇陽亦以言事黜先生貽書有吾曹一時退
處共得閒身何修報稱之語至武林與廣東陸
古樵粹明嘉善吳蘧菴志遠談論數日古樵潛
心白沙主靜之學先生得其提醒自歉于道尚
未有見總無受用發憤曰此行不徹此事此生

真負此身矣舟中嚴立規程取前所爲半日靜
坐半日讀書者反覆行之當心氣澄清時有塞
乎天地氣象在路兩月如武夷天游九龍十八
灘險絕奇絕處不可屈指靡不畢領其勝憇九
峰書院登子陵釣臺溪聲鳥韻茂樹修篁種種
悅心而心不著境自謂得山水之助不小過汀
州登旅舍小樓甚樂手持二程書偶見明道先
生曰百官萬務兵革百萬之眾飲水曲肱樂在
其中萬變俱在人其實無一事猛省曰原來如

此實無一事也一念纏綿斬然遂絕忽如百斤
擔子頓爾落地又如電光一閃透體通明遂與
大化融洽無際更無天人內外之隔至此見六
合皆心腔子是其區宇方寸亦皆本位神而明
之總無方所可言也平日溪鄙學者張皇說悟
此時只看作平常自知從此方好下工夫耳至
揭陽不以謫官閒散怠于職事日于衙齋課士
正文體釋書義兼編集朱子要語刊示之生徒
興起者數十邑令爲同年朱任宇先生訪知民

高子年譜
情吏樊悉心啟告臨行殛一凶人陳所蘊工起
滅報睚眦占主女細民至鄉紳地方官府莫敢
誰何先生窮治其罪竟置之法遊蓮花峰謁文
丞相祠周元公祠韓昌黎陸丞相祠所得友爲
蕭自麓自麓故羅念菴先生門人以立敬爲學
所見甚正署事三月假差歸別自麓請教曰公
當潛養數年不可發露先輩皆背地用一陣苦
工夫故得成就耳先生淡然之啟行諸生不遠
百里相送臨別依依謂曰諸君努力自當相遇

中原與諸君矢繼自今脫鄙人毀廉蔑簡無以
見諸君諸君不克砥礪厭厭世俗亦無以相見
則皆曰誠如此盟至漳州謁李見羅先生辨論
大學格致之旨謂大學格致卽中庸明善所以
使學者辨志定業絕利一源分割爲己爲人之
界精研義利是非之極要使此心光明洞達直
截痛快無毫髮含糊疑似于隱微之地以爲自
欺之主夫然後爲善而更無不爲之意拒之前
不爲惡而更無欲爲之意引之後意誠心正身

高子年譜
修善所以純粹而精止所以敦厚而固也不然
非不欲止欲修而氣稟物欲拘蔽萬端恐不能
實用其力矣且修身爲本聖訓昭然千古知之
只緣知誘物化不能反躬非欲能累人知之不
至也何以旦晝無穿窬之念夜必無穿窬之夢
知之切至也學者辨義利是非之極必皆如此
斯爲知至此工夫喫緊沈著豈可平鋪放在說
得都無氣力且條日次第雖非今日致明日誠
然著箇先後字亦有意義不宜如此籠統過延

一平拜李先生祠往考亭拜朱夫子祠過崇安拜
趙清獻祠蕭蕭身世雲水孤清自謂出門至此
學力已三轉手勢
序王文成年譜作陽明說辨共四首不詳盡
二十三年乙未三十四歲二月抵家
三再取釋老二家參之謂釋氏與聖人所爭毫髮
其精微處吾儒具有之總不出無極二字弊病
二處先儒具言之總不出無理二字觀二氏而益
知聖道之尊若無聖人之道便無生民之類卽

高子年譜
二氏亦飲食衣被其中而不覺也
二十四年丙申三十五歲無繼成公陸夫人偕壽
七十先生同昆弟稱觴宴客
三月六月連遭父母喪
遵喪禮不二斬稱降服子居喪竭力襄事父遺
命析其產而七之先生推以讓諸兄弟不得盡
出爲喪葬費餘置義租贍親族分贍祖妾之無
子者
二十五年丁酉三十六歲

二十六年戊戌三十七歲
作水居爲靜坐讀書
數年間徙居婚嫁歲無甯息而動中練習靜中
溫養工夫卒未始頃刻廢于水居構一可樓可
者言無所不可也茅檐數椽極湖山之致謝客
棲息其中動以旬月計偶遠近同心如歸季思
吳子往諸先生來訪相與瞑目焚香閉關趺坐
坐必以七日遊陽羨諸山則坐龍池頂遊武林
諸山則坐弢光黃龍荻秋菴作復七規程是秋

會同志于二泉之上與管東溟辨無善無惡之
旨作山居課程

二十七年己亥三十八歲

偶至黃巖縣謁靜成公祠父老咸嗟嘆之云此
高一合孫也蓋靜成令巖時民無滯獄只帶合
米可了故云

二十八年庚子三十九歲

與吳子往等靜坐水居日記云日逐只是顧諟
明命為工夫又云一日覺氣在胃膈稍滯思調

息息最微若有若無誤認氣為息而調之失害
事矣次日便覺多卻調息一念只是誠無為著
些子不得也

二十九年辛丑四十歲

八月偕四郡同志會講于樂志堂其責我會規畫

三十年壬寅四十一歲

三十一年癸卯四十二歲

三十二年甲辰四十三歲

錫東林者宋龜山楊先生講學之所廢為僧院

邵文莊公所修復王文成記可考也後復變爲
僧院先生與顧涇陽先生弔其墟聞于當道昔
道南祠構講堂書舍相與講習其中朔望小會
春秋大會歲以爲常涇陽傲白鹿洞爲會約先
生爲之序自涇陽歿先生獨肩其責每會取儒
釋朱陸之辨文成文清真悟真修之辨爲己爲
人義利公私欺謙邪正之辨時時拈示洗發痛
快令人劃然開油然得尤謂學者雖得朋友講
習之功不可無端居靜定之力蓋各人病痛不

同大聖大賢必有大精神其主靜只在尋常
用中學者神短氣浮便須數十年靜力方得厚
聚深培而最受病處在自幼無小學之教浸染
世俗故俗根難拔必埋頭讀書使義理浹洽變
易其俗腸俗骨澄神默坐堅凝其正心正氣乃
可耳

三十三年乙巳四十四歲 作異端辨

先生遊武林遇一僧原係廩于學宮一旦叛入
異教著書數種多抑儒揚釋之語因摘取其言

各剖破之分四條刻遺書

三十四年丙午四十五歲 實信孟子性善之旨

同顧涇陽先生會于虞山書院有虞山書院商

語小引

三十五年丁未四十六歲 實信程子鳶飛魚躍

與必有事焉之旨 立家訓 析諸子產有量

入約

三十六年戊申四十七歲 赴毘陵經正堂會

為大水災條議救荒 為同區設立役田

三十七年己酉四十八歲 赴金沙志矩堂毘陵

經正堂會

三十八年庚戌四十九歲 六月講學焦山段幻

然主會 赴嘉禾天心書院會

三十九年辛亥五十歲 實信大學知本之旨

四訂古本大學 正三月講學于金沙志矩堂觀四

月講學于荆溪明道書院 秋赴毘陵經正堂

會堂

四十年壬子五十一歲 實信中庸之旨

四十一年癸丑五十二歲 三月講學于金沙志

矩堂 九月靜坐武林攷光山中著靜坐說

十一月延錢啟新先生講易東林

四十二年甲寅五十三歲 春舉同善會以贍鰥

寡孤獨中有節孝者尤加惠之 赴荆溪明道

書院會 七月作困學記

四十三年乙卯五十四歲 著理義說氣質說未

發說朋黨說

四十四年丙辰五十五歲 赴毘陵經正堂會

四十五年丁巳五十六歲 赴荆溪明道書院會

四十六年戊午五十七歲 有戊午吟

四十七年己未五十八歲

四十八年光宗貞皇帝泰昌元年庚申五十九歲

八月神廟賓天光宗卽位罷商稅發內帑起廢籍

朝政一清甫一月鼎湖再泣先生方講學東林

凶問至為之輟講

十月少司寇鄒南皋先生疏薦

十一月御史方孩未疏薦

高子年譜
嘉宗哲皇帝天啟元年辛酉六十歲 正月作壽

戒

先生云人生六十老矣老人年日增事當日減
患減之未盡不患減之過當以目前最切者減
八之戒壽文壽詩壽卮壽服壽畫壽屏壽鐙壽筵
演戲集分迎賓等禮守此七戒老人澄然無事
矣無事之樂更有何樂似之乎

舉鄉飲大賓

三月詔起光祿寺丞 九月啟行至京

是冬別東林諸友北上以會講事屬葉間適吳
覲華主盟再拜囑曰畢竟此事爲吾輩究竟弟
此行原殉君親二字可歸卽歸不使東林艸淡
也到任作一聯黏堂中云精白厥衷一率其不
損不加真性靖共爾位勿昧其可仕可止本心
二年壬戌六十一歲 正月陞本寺少卿贈嗣父
母奉政大夫宜人移贈本生父母亦如之

著乾坤說心性說寅直說
太廟春祭執事

高子年譜
時寺官正貳皆缺備極煩勞元夕上供九般茶
飯缺天鵝羣璫恣索先生唯唯密疏援累朝例
以家鵝代用旨下帖然本主父母衣賦之日減
裁無名供費發鋪行物價革諸曹鋪墊體又以
餘糧振士之貧者

先生云光祿事雖多儘做得去初間尚有中官
聒擾事事不放過事事不已甚遂帖服不敢動
今益沛然矣但不可便以此爲盡職他事一切
不管此等職事全算不得也旣而廣甯失陷人

心皇皇先生獨鎮以安靜

疏請破格用人以備不測

薦孫愷陽董應舉李之藻鹿善繼及慎畿內守
令之選行保甲防禦之法俱允行

疏請逐鄭養性

疏內云乞將鄭養性等發回原籍李如楨崔文
昇明正典刑庶危疑可釋隱禍可銷報聞
議方從哲無君之罪

時孫淇澳爲大宗伯疏論從哲紅丸事先生見

之曰此一部春秋也得旨下部院九卿科道會議先生力持正論不少顧忌議具別刻人以爲鐵案又嘗繕一聯于室云得閒且閒今日莫思明日事當做便做一年可作百年人未幾轉太常寺少卿于祀典多所釐正

疏陳務學之要致治之本

疏內復及方鄭傳旨欲重處福清爭曰此人任重望若處滿朝必爭吾亦與之同去僅罰俸先生在京一年汲引後進之賢充滿朝宇言路中

賢者稍動爭端便力止之不使元黃之戰再見于起廢之後嘗謂默然融化乃是道理煦然調停卽屬世情二者天壤不侔并調停之意一切泯之

九月轉大理寺右少卿

時掌院鄒南皋副院馮少墟建首善書院立講學會給事朱童蒙騰疏顯詆指意歸重東林欲天下以講學爲戒先生欲具疏辨適奉明旨如日中天乃具揭以明其是非已而鄒馮兩先生

請告歸詞林文湛持亦抗疏歸先生三疏抗辭
不允有論學揭罷商稅揭

八月奉命慶陵掩龍口祭告

十一月晉太僕卿

疏辭復不允中有講學何罪頓空法紀之臣禁
學何名欲行聖明之世又有陰陽交爭上下隔
塞邪氣所干元氣大伐等語以身疾喻朝政也

除夕太廟陪祭

三年癸亥六十二歲 乞差歸 明討賊之義

周易孔義成

給事王志道疏論兩朝事淆雜不倫先生致書
駁之略云人臣為國當杜漸防微懲前毖後不
四宜為亂賊脫罪為君父種禍夫張差制挺美女
代劍先進熱藥後進泄藥彰明較著中外共知
孰得諱之諱之一字為亂賊設護身之符加以
誣謫二字又為亂賊立箝口之法大義所關不
容隱忍也 向著周易孔義舟中卒業

四月抵家復尋東林之社

四先生雖歸朝中諸君子實未嘗一日忘先生即家起用

十一月陞刑部右侍郎疏辭不允

皇子誕生推贈三代庶一子先生慨然曰君恩渥

矣其何以報

四年甲子六十三歲三月同門人華允誠啟行

途中兩閭月相對講學至維楊謁王心齋祠心

齋子王泰畱先生講學至寶應與余兄燕超公

劉清之講學于范文正公祠燕超教諭寶應倡

明理學構興讓堂為諸生講習之所先生為之記

六月進京

時楊副院論魏璫二十四大罪奉旨切責舉朝

爭之不得杖死工部郎萬燦逮御史林汝翥疑

匿福清寓中官競圍其門天下大柄駸駸盡歸

宮寺先生曰外廷法用正直內閣法用和緩內

閣當借用外廷不可以正直而疑其激外廷當

責成內閣不可以和緩而疑其媚如此乃相成

也又曰中官用事未能拔其毒且須殺其毒宜如歸德相公勸化諸璫勿與吾輩爲敵庶幾縉紳之禍可減萬分一耳

九月陞都察院左都御史

總憲員缺舉朝共推先生先生懇辭曰太宰是房師可與門人分掌部院乎大司寇喬公左司寇饒公皆正人也而饒公資俸淡受杖更慘可越次用某乎又勸推馮少墟太宰亦以爲然業註饒矣而河南道袁化中堅執不從卒以先生

名上次日得旨先生益跼蹐不自安具疏曰都御史者古之御史大夫也天下之事皆得言之臣工之邪皆得糾之然而世習之漸靡難言矣臣子不真心爲國家不真心修職業悠悠忽忽則有難振之氣以請託爲固然以貨賂相結納則有難洗之習陞遷壅滯仰屋書空則有難定之志謬同異爲是非誤愛憎爲好惡則有難清之見無端而起畛域藩籬無端而起弓蛇鬼豕則有難調之情所以難者皆緣人心各有陰私

高子年譜
故各成隔礙必居此位者自心先無陰私而後可銷人陰私自心先無隔礙而後可通人隔礙至御史簪筆朝端公論之明晦由之持斧寓內一方之安危係之必爲之長者聯爲一體萃爲一心惟君國之是殉毋身家之苟營而後可宏濟于艱難今者大計在近巡方之使當使循良之麟鳳悉耀光明貪殘之豺虎皆投有北庶困窮四海災荒子遺尚獲少延喘息不然御史之失職卽都御史之失職此之關係何如重大乃

以臣之薄劣當之是易所謂覆餗者也疏上不允乃就職

榜禁書儀 劾御史崔呈秀

先生謂今日安民之計只在除貪酷吏欲吏無貪先從輦轂始一入中臺卽有禁絕書儀榜行五城御史張挂九門令知清明之朝決不容穢濁之事適有魏璫私人崔呈秀巡按淮揚回道贓私鉅萬穢聲流傳立疏糾之部覆褫職遣戍輿論稱快 又謂院中總六部之事職其要不

職其詳此衙門頗可救得世撫按相貫通寓內
共如一堂京師五方雜處見聞博而易真今只
咨訪監司守令于輦下各省之賢者人人咨之
事事記之貪酷害民撫按不糾于置郵中詰問
之第一義在立身上守法苞苴一毫不入竿牘
一字不出不言而人自凜矣又謂天下事君
相同心方做得閣銓同心做得一半部院同心
次之若撫按督學選擇盡皆得人士習民風不
無少補

十月頒歷陪祭 疏請挺擊案三臣謚廕奉旨下
部不行

李倬張庭陸大受三臣也爲君父告變執法賈
罪竟抑鬱齋志以致先生特請謚廕以旌其忠
魂會朝局大變不行

覆吉人及時宜用疏

御史喬承詔疏薦王紀鄒元標滿朝薦徐大相
馮從吾李炳公諸正人奉嚴旨切責下部院參
看先生復疏力薦之亦不行

具申嚴憲約疏 未及上罷歸

疏云臣觀天下之治端本澄源必自上而率下
循法守職必自下而奉上故朝廷恩澤至州縣
始致之民州縣者奉法守職之權輿也州縣賢
則民安州縣不賢則民不安願天下爲州二百
二十一爲縣一千一百六十六豈能盡得賢者
用之賢者視君爲天不可欺也視民如子不忍
傷也奉法守職出于心所不容已非有所爲也
其次則有所慕而勉于爲善有所畏而不敢爲

不善其下則不知職業爲何事法度爲何物恣
其欲而已是民之賊也故爲政者拔賢才除民
賊約中人天下惟中人最多約之于法皆不失
爲賢者太守約州縣者也司道約府縣者也撫
按則無所不約約之使人人守法如農之有畔
焉而無越思則天下治矣列州縣所當行者五
十餘條凡農桑水利敦教化育人才正人心厚
風俗刑名錢穀積貯給散保甲防禦聽訟恤刑
彰善癉惡剔蠹釐姦之法纖悉備具巡方者另

高子年譜
有禁約欲行當行之事將次第舉行因會推巡撫事起不果掌憲僅月餘人以為北顧南邵復見云先是魏廣徵夤緣入相久與正人齟齬至是以頒歷不至廟祭後期為臺省魏廓園大中李仲達應昇等交參懼不能容與呈秀共入闕幕合謀以傾正人為一網打盡計先生與太宰諸賢同時罷歸云
十二月送靜成公入鄉賢祠
五年乙丑六十四歲

正月舉郡鄉飲大賓辭不赴
三月酌兌荒區漕米
時署印王通判追比荒區兌米至斃杖下先生惻然為之設法約計水災十之一二勻派高鄉每畝不過勺合借完本年漕兌各給票以來年代兌為償為福無窮
四月削籍為民追奪誥命
五月送別魏廓園于高橋
春夏間逮楊副院等六人後先拷訊死六月金

高子金言
星晝見與日爭明趙豕宰等十五人俱提問追
正賊毀首善書院鄒馮二先生亦削籍先生最爲
四羣姦所切齒必欲坐以重賊有錦衣理刑吳孟
明素不識先生百口保曰若高老先生坐賊何
以服天下始得免要典出坐以移宮一案南道
游鳳翔疏詆削籍爲民追奪誥命先生忻然曰
非此異日無以見地下諸公旣而張訥謂東林
乃淮撫李三才刻剝東南脂膏所造田產無數
奉旨拆毀估價入官所值僅三四百金而東林

遂爲瓦礫之區矣有爲先生危者以居易俟命
謝之曰吾輩今日一切聽天一切靠天一日無
禍卽一日享福而已屏跡湖干自稱湖上老人
不見一賓客不談一時事花鳥爲伴嘯詠自娛
謂大臣見廢時義當然東相知曰弟在此實有
事做非浪擲光陰者手書示諸子曰屈子游于
江潭袁生自囚土室彼固各以其時況我老矣
病矣荷明主不誅之恩守微臣引罪之義息交
入山自是道理若欲山中見客何如不入山爲

高子年譜
便若聞客至而歸何如不出門爲安兩者勢決
不能容至惟汝輩謝罪而已有扁舟相訪者堅
不出曰此端一開水居住不成矣
六年丙寅六十五歲
二月仲丁奉六君子從祀道南祠
六子者涇陽涇凡兩顧子啟新錢子元臺薛子
我素安子本儒劉子進則正言直諫于朝退則
明善淑人于野丹心矢竭于少壯素節不改于
暮年今日講壇旣毀恐年久事湮故有是舉

三月十六日謁道南祠十七日丑時被逮不辱
赴水終

初六日逮繆西溪周季侯十四日又有緹騎往
蘇先生自度不免十六日之早以東林拆後會
講久輟神主俱藏道南祠特肅衣冠往謁有別
聖文隨焚其草歸則看花後園與一二門生談
笑自若午後門生華仲通自吳門至傳言頗異
先生無幾微見顏色季弟從山中入城相與暢
飲園亭顏酡意悅旁一友言此信未的先生微

笑曰此信想的吾視死如歸耳心同太虛原無
生死何得視生死爲二若臨死轉一念便墮院
落塹不是立命之學平生講學此處看極分明
得多少力是夕祖孫父子從容晚酌無一言及
家事止云吾有贍田二百畝售之可完緹騎費
蕭然就道矣晚飯後忻然就榻呼諸子明日恐
有事汝輩各歸寢夜半堦秦君鄰復傳日中信
諸子不令先生知先生正睡覺問曰信的乎整
衣起坐從容入書齋諸子後隨曰吾欲稍料理

出門計可暫退但亟命家人覓舟明早入郡無
被逮事卽歸有卽赴京不使官旗到家嚇汝曹
耳作字二三紙鎖篋中復之內寢與夫人款語
半晌出兩孫趨侍取封同黃紙置几上指示曰
明日以此付官旗勿先開復諭曰吾明日從郡
中往京無歸家相見期丁甯汝者只四字曰無
貽祖羞因命仍暫退諸子候齋外方商略赴京
事三四刻不聞動靜推戶入第見燈火熒然几
案寂然先祠鑪香拂拂然覓先生不見急發前

紙觀之乃遺表也云臣雖削奪舊係大臣大臣
受辱則辱國故北向叩頭從屈平之遺則君恩
未報結願來生臣高攀龍垂絕書乞使者執此
報皇上復有別友人書云僕得從李元禮范孟
博遊矣一生學力到此亦得少力心如太虛本
無生死何幻質之足戀乎諸子惶駭急從旁屏
奔池畔則先生已赴水矣此三月十七丑時也
先是門人華闇修夢遊桃園見一洞光景奇絕
欲入不得睡于洞口有二人淡衣幅巾以塵尾

搥曰急醒急醒闇修問姓氏曰吾周衡臺魏廓
園也寄語汝師確乎不可拔潛龍也急來急來
會機無失當相會于桃源溪處闇修覺而異之
以告先生先生點頭曰或別有應尤異者先生
平立水中左手護心右手傍岸衣履整齊汗泥
不沾身滴水不入腹數日成殮面色如生人咸
以爲異云嘗有友問避亂之策先生曰先要打
定一箇大主意隨地行去康節詩云上天生我
上天死我一聽于天有何不可人若無此主意

高子年譜
臨時便手忙脚亂不能安于天理又有問朝聞夕死何以爲可先生曰我有四字人忽以爲常談不必說其友極叩之先生曰當死便死其生平之言如此是可以觀先生矣劉念臺曰先生平日學力堅定故臨化時做得主張如此攝氣歸心攝心歸虛形化而神不化亦吾儒常事若以佛氏臨終顯幻之法求之則惑矣知言哉嗚呼先生固以微言相示矣先生孝友性生怡怡色養嗣者生者兩得其歡待諸兄弟委曲懇至

愉愉藹藹于諸姪愛之如子教之如父閨門之內雍如肅如終其身無二色自幼無狎邪之游綺麗之好家居功課晨起盥漱謁家廟畢扃戶觀書四壁不墜庭艸不除帷帳不飾敝硯秃筆終日儼然飯後必瞑坐片刻極忙不廢每子夜起坐謂此時可想來復氣象五更復起坐謂初覺時甚好先忌齋素謝客時祭致齋一日東林丁祭宿齋三日自奉極菲祭祀賓師則極其誠生殖不事漠然無營而親友以生計相託者則

極力代籌至捐貲踐約于宗親有養之終身者有及其再世者于師生養死殯之于友髻齒之交無不終始相歡贍其貧卹其孤推轂寒士不遺餘力鄉紳宦遊者諄諄以愛民好士砥名礪節相勸勉地方有大是非得先生而定有大利害得先生而伸至設通區役田通邑役米蘇糧里之困舉同善會卹遠近之鰥寡孤獨爲德梓里又其餘矣作家訓數千言大要言色欲迷人臨財誤人便辟善柔之友敗壞人一妨人誦讀

之功一消人高明之意須以孝弟爲本以誠實爲先以讀書窮理慎言語擇交游爲做人第一義嘗言子弟若識名節之隄防詩書之滋味稼穡之艱難便足爲賢子弟又云要知聖人取狂狷意狂狷皆與世俗不相入然可以入道子弟若憎惡此等人便不是好消息所與皆庸俗己未有不入庸俗者出而用世便與小人相暱與君子爲仇是大利害處又曰善須是積積小便大一念之差一言一事之差有因而喪身亡家

者又云臨事讓人一步自有餘地臨財放寬一分自有餘味又云見過所以求福反己所以免禍但肯反求道理自見小人所以爲小人只見別人不是而已又曰人生爵位分定非可營求只看義命二字透落得做箇君子邑中諸先達有一言一動可爲師法者時時向諸子稱述之在京間諸子嘗赴講會手札勸曰此乃天地間不可絕之善脈賢子弟不可墮之家聲非細事也又云葉年伯是汝輩真師常在左右坐一晌

聽教又云到東林最好入頭大眾會集時滿堂肅然此時默坐澄心看有妄想也無妄想一寂卽是真心真心一放卽是妄想非二物也不善用工者要驅除妄想另覓真心妄不可除真不可得善用工者知真昧成妄妄醒成真一反覆間耳得此意到東林實做工夫方不虛過此日方不做了人事久之其味無窮受用無盡又曰吾在此全靠平日靜功少年不學老無受用汝輩念之靜功非三四年靜不來何者精神一

向外馳不爲汝輩收拾矣事多拂意苦有疾病
苦到老死苦益不可言靜而見道此等苦皆無
之汝輩急做工夫受些口訣不然此事無傳矣
天下惟此事父不能傳之子以身不經歷者言
不相入卽終日言之如不聞也待臧獲曲加體
恤知其飢渴勞苦獨少有生事斷斷不假借服
官于外倍加鈐束嘗云人家爲體面立崖岸曲
護其短力直其事此乃自傷體面自毀崖岸也
長小人之志生不測之變多由此以故家人亦

兢兢守法兩之官僅蒼頭四五人隨行供使令
給灑埽卽郵筒報復親自啟閉隻字不落其手
一及總憲卽遺書歸云居此官家人愈要兢業
家人有德色便生意外事勿以圖利反至招禍
勿以恃勢反至失勢又嘗云士大夫居間得財
之醜不減室女踰牆之羞流俗滔滔恬不爲怪
只是不曾立志故生平未嘗輕受一錢妄說一
事有知交坐一不平許爲代白其人以賄來曰
不聞士人得錢如女失身乎謝弗預有以講學

高子年譜
爲名高者家鉅萬每歲厚聘一達尊主席曰教
以爲己學以爲人乎辭弗往初仕所得俸不敢
自私必以奉父謫官時有憐其俸薄資以厚貺
者槩不受揭陽歸後有以俸檄致者太常罰俸
有同鄉在戶曹以俸見遺者亦槩不受雖交際
萬不容絕可以義通亦未嘗分毫入橐亟出爲
卹貧濟難刊書廣教之用嘗云凡臨事著一苟
字便壞自身享冊著一苟字便妙吾一生得此
力故隨遇而安掌院時柬同志曰弟所處風波

地一朝狂風起吹我入菰蘆中不難予告時以
大臣不賜馳驛卽不走驛僚屬釀路費峻卻之
僱夫買船歸曰畱一日則作一日事去一日則
得一日樂樂字惟山林人說得煙雲魚鳥無非
樂事廟堂人說不得國亂民窮無事不憂廟堂
人說樂勢利兩件而已迷人以此爲樂何耶先
生立朝真有斷斷休休間間侃侃氣象涉世真
有不流不倚不爭不黨氣象燕居真有申申天
天氣象設教真有無行不與循循善誘氣象其

高子年譜
進而汲引同心扶綱植紀也真上必欲堯舜其
君下必欲堯舜其民其危言危行特立不搖也
真一家非之不顧一國非之不顧天下非之不
顧其退而力護紫陽隄防二氏不使支離訓詁
之談虛無寂滅之說得混吾精一博約格致誠
正之教也真爲往聖繼絕學爲萬世開太平其
廓然行藏之外怡然禍患之臨也真知進退存
亡而不失其正有內省不疚何憂何懼氣象在
太常曾云魏忠賢與容氏最可慮二姦相合之

害不可言不謂崔魏之毒方深廣微遂起而乘
其間卒如先生言也嗚呼先生之學于生平見
其大于一死見其真矣

毅宗烈皇帝崇禎二年己巳 贈太子少保兵部
尚書錫謚忠憲廕一子送監讀書

著書總記

古本大學 正蒙集註 四子要書 朱子節
要 東林講義劄記就正錄 同善會錄 邵
文莊公年譜 高氏家譜 疏稿揭議 周易

孔義 春秋集註 毛詩集註 困學記 三

時記 州縣條約語錄序說志傳碑文等四言

五言六言七言古風律詩絕句共若干卷 以

三代後詔誥為書餘 以太極圖通書經世啟

蒙為易餘 擇騷賦銘贊為詩餘 稍斟酌綱

鑑為春秋餘 以歷代典制合古宜今者為禮

餘

高忠憲公年譜

終

十世從孫光照恭較

